

in besonder Bergämpfelein / hinauff im Voigtlande gen Olfnitz / da gleichfalls Olfnitz.
ein Bergwerck ist / welches im Jar 1516. allbereit gebawet worden / denn damals
den Bergmeistern zu Olfnitz ihre Besoldung aus Friderichs Churfürsten vnd Jos-
hansen Gebrüdern Herzogen zu Sachsen Zehenden auffm Schenberg gerechet /
vnd in die Zehent rechnung gebracht worden.

ES haben die Durchleuchtigen Fürsten zu Sachsen auch ein Goldbergwerck Steinheyda
Kottenheyda
im Voigtlande Steinheyda genant / welches Agricola lib. 11. de vet. & nou. metal.
gedenckt / dabey auch Kottenheyda gelegen / welches gleicherstalt ein Goldbergwerck.
Aber von diesen allen vnd andern / wil ich mich / so Gott leben vnd segen verleihet /
mit der zeit mehr erkunden / vnd weitleuffeigern berichte dauon thun.

SO viel sey dis mal gnug von den Meynischen oder zum Lande zu Meyssen
gehörigen Bergwercken / von denen wir allein bisher zuhandeln vns fürgenom-
men. Ehe wir aber weiter vmb vns greiffen / vnd der benachbarten auch wie wir
verheiffen etwas gedenecken / wollen wir zuvor von gemeiner Ankunfft des Berg-
wercks etwas / doch auffss fürhest / zu colligiren für vns nemen.



Von Gemeiner ankunfft der
Bergwercke / vnd also auch vnserer in Deudschen
Landen. Item / von den ersten vnd aller ertisten Bergwer-
cken in der Welt / welcher von den Scribenten
gedacht worden.

Der VI. Tittel.

Leich wie von den Kindern Noe
(damit wir der Bergwercke Ursprung et-
was ferne herholen) die ganze Welt besetzt worden /
vnd sonderlich die Heydnischen Länder vnd Insulen /
klein Asia vnd ganz Europa / von Zaphets sieben
Söhnen / vnd ihren nachkommen bewohnet / durch
sie erfüllet vnd gebawet worden / dauon Genes. am
10. vnd also Zaphets Erben sonder zweiffel nach der
Sündflut / die ersten vnd besten Bergleute in diesen
örten fürnemlich sein / Nach welchen die Chamiten

vñ Cananeer von den Gelehrten die nechsten gerechnet werden. Also ist auch sehr ver-
muthlich (ja nicht wol anders zuglauben) das eben von ihnen die Bergwerck nach
ein ander bis heraus zu vns / sind auffgebracht / vnd zu bawen angefangen worden.

DVmb / gleich wie in der Vöcker herkommen vnd vrsprung / man sich auch
in diesem punct am gewisesten vnd sichersten / an die zeugnis vnd Historien der hei-
ligen

Zaphiten ha-
ben klein Asia
vnd Euro-
pam besessen.

Zaphiten vns-
erer ersten
Bergleut
Stieffter.

Aus der Bi-
bel kan man
am gewisesten
indiciren vom
vrsprung der
Bergwerck.